

P r o t o c o l

<i>Società da chatschaders Lischana:</i> Radunanza generala 2021	<i>Actuara:</i> Juliette Duschèn	
<i>Lö da sezzüda:</i> Restaurant halla da glatsch Gurlaina	<i>Datum:</i> 05.03.2022	<i>Urari:</i> 14.00
<i>Partecipants:</i> Società da chatschaders Lischana	<i>Scumpart:</i> a tuots cul prossem invid	
S-chüsats: Gian Luca Stecher, Thierry Dieterle, Curdin Florineth, Tiziano Castellani, Gian Reto Demonti, Christian Mutschler, Not Neuhäusler, Adrian Arquint, Silvano Stecher, Dario Giovanoli, Susanna Fanzun, Peter Ladner, Peder Sem, Stefan Bigler, Roland Regensburger, Rino Regensburger, Claudio Zanetti, Anna Mengia Demonti, Räto Demonti, Gudench Bischoff, Jon Pitschen Stecher, Roger Bischoff, Enrico Dorta, Nino Gritti, Arthur Schlatter, Martina und Mirco Negrini, Christian Cantieni, Andrea Florinett, Enzo Zannier, Carlo Zannier, Roman Fadri Bischoff,		
<i>Tractandas:</i>		
<ol style="list-style-type: none"> 1. Salüds ed elecziun dals scrutinaduors 2. Approvaziun dal protocol da l'ultima radunanza 3. Rapport annual dal president 4. Rapport dal derschader 5. Rendaquint dal chaschier e rapport dals revisurs 6. Contribuziun annuala 7. Preventiv 8. Infuormaziun e decisiun finaziaziun schaibgia movibla Urezzas 9. Elecziuns d'üna part da la suprastanza 10. Mutaziuns ed onurificaziuns 11. Program da l'on e termins 12. Varia 		

1. Salüds ed elecziun dals scrutinaduors

Mario il president salüda a tuots preschaints a quista radunanza generala chi das-cha uossa tuotüna avair lö in ün rom normal. Ün salüd spezial va a nos commember d'onur Matthias Merz ed al guargiasulvaschina Not Pua.

L'invid per quista radunanza generala es gnü tramiss a temp ed es quattras valabla e competente da trar decisiuns. MD dumonda schi dà remarchas o giavüschs a regard las tractandas, quai chi nun es il cas. Il president fa la dumonda da pudair trar avant la tractanda 8, infuormaziuns e decisiun schaibgia movibla Urezzas, avant il tractadum 7, preventiv. Ushè as pudessa lura tenor la decisiun preschantar güsta il preventiv güst. Tuots van daperüna.

Il president desista da preleger tuot ils s-chüsats. Quists as poja leger davo i'l protocol chi vain publichà sco adüna sün la pagina da nossa società.

Sco scrutinaduors vain elet Bruno Andri Neuhäusler

2. Approvaziun dal protocol da la radunanza d'utuon dals 20 avuost 2021

Il protocol da la radunanza d'utuon es gnü protramiss cul invid da quista radunanza. I nu vegnian fattas ingünas remarchas. Il protocol vain fat bun unanìm.

Grazcha fich a l'actuara Juliette Duschèn pel scriver il protocol.

3. Rapport annual dal president

Il president dà ün sguard inavo sül on scuors chi ha cumanzà cun divers spostamaints e cumplacziuns. In spezial manzuna el il di d'aventüra chi'd es stat ün grond success, pero eir nos tir

intern para dad esser, grazcha a la pussibilità cha'ls candidats han per as preparar amo üna vouta per l'examen ma eir causa las passas interessantas, ün bel success e per divers commembers ün termin fix in lur chalender. Plüanvant manzuna il president amo la chatscha 2021 e las propostas da refuormaziun da nossa chatscha, fattas dal president da la BKPJV in las medias. A la fin ingrazcha il president a tuot las commembras e commembers pel sustegn e per l'actività d'ürant quist on cumplichà.

4. Rapport dal derschader

Tiziano Castellani chi ha surtut mità da l'on la plaiv da derschader dà ün cuort sguard inavo sün las lavurs da custodi chi sun gnüdas fattas d'ürant l'on da commembr/as da la Lischana. Causa ch'el es s-chüsa, prelegia il president las informaziuns. In quist tractandum muossa il president eir güsta via sül salvamaint d'usöls e cha, sch'inchün ha temp ed interess, chi's possa annunzchar pro'l president o pro'l derschader per güdar. Implü vain amo preschantà il program da lavur da custodi pel 2022.

5. Rendaquint dal chaschier e rapport dals revisurs

Dora Filli dà spjegaziuns a regard il rendaquint e la facultà da nossa società.

Matthias Merz orientescha in nom dals revisurs sur dal stadi cha la chascha sia manada fich bain e precis. Ils revisurs propuonan da dar dis-charg a la chaschiera ed a la suprastanza. Implü fa Matthias amo üna remarcha chi'd ha dat in ögl cha parts commembers pajan la contribuziun pür davo avair survgni 2 o 3 admoniziuns. El intimescha, eir per schlubgiar la lavur da la chaschiera, da pajar la contribuziun subit chi vain tramiss il quint o il plü tard fin la fin d'avrigl. Il president fa güsta eir attent cha tenor ils statuts da la Lischana füssan tuot ils commembers chi nun han pajà la contribuziun fin la fin d'avrigl dad excluder da la società.

Il rendaquint vain aprovà unanimamaing ed uschè dat dis-charg a la chaschiera ed a la suprastanza.

6. Contribuziun annuala

La suprastanza fa la proposta da laschar las cuntribuziuns annualas sco fin qua.

1. Quai vuol dir: Commember A: 130.-, A liber: 70.-, B: 55.-, C: 70.-.

Tuots van daperüna ed acceptan la proposta da la suprastanza sainza cuntervusch.

8. Infuormaziun e decisiun finaziun schaibgia movibla Urezzas

Tenor decisiun in la radunanza d'utuon 2018, ingio chi'd es gnü decis unanimamaing da realisar üna schaibgia movibla in Urezzas, as haja uossa pront tuot ils permiss, plans e preventiv da cuosts. Sco prüma pero orientescha il president sur da las novitats chi regardan l'implant da tir da chatscha Urezzas.

Nos commember, Domenic Schaniel, ha desdit sia carica sco chaschier e commember da la suprastanza da las societats da chatscha Urezzas. Nos president ingrazchar fich a Domenic per la gronda lavur prastada a favur da l'implant da tir. Nossa società ha, causa cha vain ils plü bliers commembers, il dret da duos represchantants in la suprastanza d'Urezzas uschè chi'd es da tscherchar ün nouv chaschier. Plüanvant ha la suprastanza da chatschaders Urezzas da müdar la contribuziun per trar, vuol dir las societats pajan inavant sco fin quà üna contribuziun da CHF 10.00 pro commember A e lura daja nouv amo üna contribuziun da mincha tregant pro vouta ch'el va a trar da CHF 5.00. Quist per cuvernar ils cuosts da mantegnimaint chi's augmantan causa ils novs tschüffacullas, e lura as lessa scha pussibel preparar ün polster finanziaal per eventualas reparaturas o investiziuns futuras. Matthias Merz dumonda schi nu füss melder da dozzar la pauschala cha la società paga impè da far pajar a mincha tregant per mincha vouta CHF 5,00. Il president declera chi's vuol cun quista varianta impedir cha las societats sun sforzadas da dozzar la contribuziun. Eir Hanspeter Zogg disch cha normalmaing dess pajar il chaschunadar per far adöver da l'implant.

La schaibgia movibla chi'd es previs da fabricar dal 2022 e 2023 cuosta tenor il preventiv CHF 100'000.-.

Il cumün da Scuol dà ün credit da CHF 50'000.- chi ha da gnir pajà inavo infra ils prosemms 10 ons. CHF 50'000.- esa da finanzchar tras las societats tenor la clav da scumpartimaint. Quai vuol dir cha la Lischana ha da contribuir ün import da CHF 20'463.-. La suprastanza da la Lischana ha preparà duos variantas per contribuir quist import.

Varianta 1: la facultà da la Lischana cun CHF 25'648.78 daja la pussibilità da pajar l'import cumplettamaing our da la chascha. Vuol dir chi resta lura amo ün facultà da raduond CHF 5'000.-

Vairanta 2: mincha commember A+B (139 commemb/ras) paja üna contribuziun unica da CHF 50.- quai chi dess ün import da CHF 6'950.- e la società contribuìscha amo ils CHF 13'513.-. Uschè restess üna facultà in la chascha da la Lischana da raduond CHF 12'000.-

La suprastanza fa la proposta per la varianta 1 chi para plü simpla sainza stuvair inchaschar da mincha commember amo üna contribuziun suplamentara.

Per quist tractandum saja divers votums. Joannes Bischoff manaja chi füss melder da spostar l'implant da la schaibgia movibla per 15 meters vers ost, uschè nu füssa da far il mür da sgürezza tanter l'implant da leivras e quel da la schaibgia movibla. Implü vegna dumandà schi's ha calculà il preventiv eir ils cuosts da mantegniment da quist implant. Il president declera davo avair scleri plü precis, cha eir il mantegniment es calculà il preventiv. Armon Parolini fa la proposta da vuschar per la prüma varianta da finanziaziun fatta da la suprastanza, pero cul giavüsch da sclerir schi's ha fat scleriments per spostar l'implant o schi füss pussibel da spostar l'implant sainza provochar bürocrazia e novas dumondas da fabrica. Joannes Bischoff es in mincha cas da l'idea chi füss da cumanzar amo üna vouta da prüma cun la planisaziun. Il president manzuna cha lura nu's poja cumanzar quist on cul fabricat e cha tuot ils permiss scroudan. Hanspeter Zogg tira attent cha quist es ün'investiziun per la giuventüna e per ameldrar il trar da mincha chatschader impustüt sün sulvaschina in movimaint.

Il president metta in quist cas las seguintas variantas in votumaziun:

1. Proposta da Joannes Bischoff chi vuol annullar quista planisaziun da la schaibgia movibla e dar l'incumbensa da preparar ün nouv concept.

La votumaziun es uschè cha 5 sun per la proposta da Joannes Bischoff e 15 sun cunter quista proposta, 7 as retegnan da la vusch

2. Proposta d'Armon Parolini da finaziar l'implant tenor la prüma varianta da la suprastanza cul giavüsch dals scleriments surmanzunats.

Quia vuschan 30 per la proposta d'Armon Parolini e 2 cunter e 4 as retegnan da la vusch.

Uschè esa diciss da finanzchar la part da la Lischana vi da l'implant da la schaibgia movibla cumplettamaing our da la chascha da la società. Implü vain comunicà il giavüsch sco cha Armon Parolini ha proponü a la suprastanza da las societats da chatscha Urezzas.

7. Preventiv

Il president preschainta il preventiv pel 2022, manzuna cha la contribuziun per la schaibgia movibla es üna investiziun uschè cha quel import nu tangescha il preventiv ordinari. Our da quist motiv as haja preparà eir ün preventiv d'investiziun.

La radunanza vuscha unanim pel preventiv.

9. Elecziuns d'üna part da la suprastanza

Sco prüma ingrazcha il president als commembers da suprastanza scadents ed eir al chaschier d'Urezzas chi ha demischiunà per lur lavur prastada d'ürant ils ultims ons.

El surdà ad Andrea Lorenzetti chi'd es stat 7 ons derschader, ad Andrea Florinetti chi ha fat part da la suprastanza d'ürant 5 ons sco suppleant e respunsabel per la pagina d'internet, a Diego Dell'Andrino chi'd es stat 4 ons in suprastanza e rapreschantant oura Urezzas sco naturalmaing eir a Domenic Schaniel chi ha fat 7 ons il chaschier oura Urezzas ün pitschen regal d'ingrazchamaint.

La proposta da la suprastanza per las caricas vacantas:

Silvan Arquint sco assessur e rapreschantant oura Urezzas

Fabio Stecher sco assessur e respunsabel per la pagina d'internet e comunicaziuns

Armon Parolini sco chaschier survagliant da l'implant da tir Urezzas

I nu vegnan fattas otras propostas!

Tuots trais vegnan elets cun applaus ed il president ingrazcha per lur prontezza da surtour lavur in la suprastanza. El s'allegra sün üna buna collavuraziun.

10. Mutaziuns ed onurificaziuns

Sco prüma orienscha il president sur da la mort da Josef Wäger chi'd es stat blers ons commember da la Lischana. Tuot ils preschaints as dozan da las sopchas ed ils cornists sunan l'arrevair.

I fa grond plaschair da pudair onurifichar a Flurin Filli cun la medaglia da veteran.

Il president informescha a la radunanza da la sortida da Nino Gross per la fin da l'on 2022

11. Program da l'on e termins

Nos president preschainta, in sperond chi's possa realisar tuot, il program da l'on ed il program da custodi pel 2022.

Ils prossems termins sun:

22.04.2022	Radunanza da Prümavaira 2022	Rest. La Terrassa
07.05.2022	Di da custodi da la società	Gurlaina
14.05.2022	Delegiada BKPJV	Ftan
23.07.2022	Tir intern da la Lischana	Urezzas
13.08.2022	Di d'aventüra 2022	S-charl
19.08.2022	Radunanza d'utuon 2022	Restorant Trü

Sco preannunzcha dà il president amo cuntshaint cha'l di d'aventüra 2022 haja lö als 13 d'avuost in S-charl. Il program in detagl nun es amo miss insembel pero co chi guard'oura daja duos differentas gitas per observar sulvaschina ed üna gruppa da custodi. El giavüscha a tuots interessats da remarchar quist termin. Ils placats e las infuormaziuns detagliadas vegnan dattas cuntshaintas d'ürant il mais lügl.

12. Varia

MD orienscha amo sur dal stadi dal prolungar ils contrats da dret da fabrica da las starleras cul cumün da vaschins da Scuol. In avuost dal 2021 as haja gnü üna visita oculara, cun la suprastanza dal cumün da vaschins ed üna part da la suprastanza da la Lischana, da tuot noss stabilimaints chi's rechattan sün lur terrain. Davo cha quist es gnü lura trattà in lur suprastanza han els dat cuntshaint chi sun pronti da prolungar per las seguaintas starleras ils contrats cun ün per cundiziuns. Prolungaziun da contrat esa previs per las starleras in S-charl, la chamonna da l'observatori e la starlera sù San Jon. Las cundiziuns sun cha vain d'allontanar la starlera sün Val Triazza ed eir tuot ils parsepans. Causa cha no nu vain ingünas otras pussibilitats ha la suprastanza, cun la cundiziun cha la radunanza da la Lischana va dacord, dat daperüna cun lur decisiun pero cul giavüsch cha'ls contrats vegnan prolungats darcheu per 50 ons. La starlera da Chasellas es nouv sül territori dal cumün politic, e là ha la suprastanza giavüschà fingià avant passa ün on da prolungar il contrat. Quia nu vaina amo survgni ingüna resposta in chosa.

Il president fa la dumonda, scha la radunanza va d'accord cun la resposta da la suprastanza e lascha vuschar giò a la radunanza. I vegn approvà unanimamaing.

Il president dà part eir amo cha la suprastanza da cumün haja decis da retrar il sböz per üna ledscha d'agüds da chatscha e da na metter avant quista ledscha a la populaziun. L'argumentaziun es cha üna tala ledscha detta massa blera lavur e quista nu stetta in relaziun cul böt e cun la problematica.

Jon Domenic Parolini sta a disposiziun schi detta dumondas invers la regenza dal chantun chi riguarda la chatscha Grischuna. Ingün nu fa adöver da quista pussibilità.

In seguit daja amo ün concertin da la gurppa da corns da chatscha e lura daja amo la premiaziun da las trofeas dals ons 2020 e 2021.

Il president serra la radunanza a las 16.30 ed invida a tuots amo ad üna boccada offrada da la società.